



07156

光緒丙申夏四月



芝田小詛

白曲筮四基署檢



嘉惠堂刊

光緒丙申夏四月

芝田小詩

雜詩

宋 張 燁

笙簧世所貴正調多溺沈有人懷古心臨風理瑤琴一  
彈秋月高忽覺開塵襟或疑澗泉聲忽作鸞鳳吟得意  
自怡悅子期難再尋銅壺一枝梅儘可爲知音

苦寒二首

北風吹枯桑汗注如語汝窗虛夜少寐展轉莫甯處衾  
稠冷如鐵凜凜不可禦家居猶畏寒何況遠行旅  
白雪農家瑞亦使天下寒陋巷無飢民此瑞古所難上  
方播春仁發粟調饑餐一飽生歡心萬戶各獲安

芝田小詩

海棠

楊妃睡未足西子妝太華餘妖媚東君化爲枝上花嬌  
羞沁紅玉裊娜揉春霞少陵恐添愁不欲詩句誇

題夏訓武珪畫牛

枯木立數莖斷岸走千尺旁有牧牛兒放牛倚拳石牛  
閒芳草閒兒倦眠踟躕畫手筆入神淡墨奪眞跡憑誰  
喚兒醒落日歸路僻覺來橫短笛吹斷遠山碧

游葛嶺瑪瑙寺瞻孤山尊者像

柳風吹蘭襟蘚暈識芒屨尋幽古招提偶識尊者墓斷  
碣眠蒼雲慈容慘香霧孤山豈無詩未若壁間句

虛谷

虛室既生白空谷亦傳聲山翁抱高標借爲虛谷名中  
有如帶水流出心源清我欲從之遊臨風濯塵纓

柯山製墨胡處士隸字

有客落魄遊京都形服差類山澤臞袖攜一紙故友書  
來求古隸銘墨模我方臨池且自娛觸撥雅興生江湖  
坐扣墨法果不誣出示數餅泥金濡質模温潤凝龍酥  
麝氣酷烈清透膚浣濯研沼塵滓無磨動清漆生金壺  
吳棧半幅翻雪腴碧雲掩再生兔鬚豪家有錢貯金珠  
誰肯淡好如吾徒自憐我爲貧所拘傾囊盡易令無餘  
臨行束擔付獠奴就索詩句榮歸途天下具眼不可污  
芳名豈借人言沽

試宣毫

芝田小詩

二

中山瑞獸久不出天下筆工徒負名近聞宛陵獲數輩  
束縛管製差專精攜入京師求鑒賞一見不以他毫輕  
呼童滌硯淬鑿玉催我紙上雲煙生

買劍

袖攜一劍三尺銛試與豪士論醜妍鋒鋌閃爍走冰雪  
靶鞘激烈拏風煙斷蛟截犀挺靈怪照人切玉光牽聯  
昔時歐冶不再出純鉤鑿郢名空傳越王苟不遇薛燭  
萬戶駿馬誰肯捐物雖有價寶無價寶逢識者逾精鮮  
主人得之亦自壯十襲珍祕輕萬錢何當佩服卻戎羌  
會令沙漠無戈鋌

辛丑長至

物意通人事陽生一脉天梅雖攬臘破柳已得春先襪  
頌趨時獻臺雲取巧傳所須惟飽耳延頸看豐年

寄任居士

希言

師默修禪觀龍升虎自閒眼開俱是道心定亦無山瘦  
木牀三尺蓬茅屋半閒鍊成真積力策景到瑤關沮泉  
爲徐叔剛賦達齋

男兒勁正氣期欲展經綸場屋求程藝山林多隱人學  
優宜必仕道在不妨貧快舉摩霄翮聯翮立要津  
題蓮峯集後

奪得蓮峯秀英名馥邇遐文章騰氣馥句律煉聲牙一

芝日小詩

三

梗江湖客三朝忠義家欲評清絕處雪月照梅花

紙閣

紙閣新裝褫青甕喜尙存翠圓垂彩絡紅朵粲陶盆藏  
密寒無著融真體自溫夜深誰晤語花綴短檠昏

游蔣山

家世帝皇州鍾山恥未遊卷書趨幕府散步入林邱泉  
泮懸崖醜雲開古樹愁草堂今在否更欲展詩眸

簡耕月

一犁將暝色月下自耕耘爲適能吟趣非于力穡勤草  
芟心地闊苗揠世情分莘野如膺詔新詩就獻君

辛丑長至後九日其夕大風

朝家禱瓊瑜天忽賜雄風靜聽耳轟鼓凍眠身屈弓把  
茅吹卷後矮柱兀搖中揜曉怪威息太陽升海東

過西興渡

久不到西陵重來扣便艣眼吞滄海碧帆卷越山青路  
遠人煙盛官清風浪停片時登岸日小立望雲亭

題淨衆壺隱

古院無僧住含情更惘然綠苔欺破閣白鳥沒飛煙壺  
隱遲遲日筒分細細泉欄干聊小凭取次綴詩篇

騎馬

陌上騎驄馬朱纓耀日丹袖欺鞭竹瘦韉入韞金寒毳  
帽兜貂鼠茸裘織雁團戎裝吾亦可初不礙儒冠

芝田小詩

四

題友人深居

閒中有眞樂深隱向林巒剝竹招山色栽梅結歲寒事  
因貧後少心到老來安拾芥取青紫野人猶畏難

觀集芳園

千步入脩廊猶聞碧霧香楓翻宮頰紫菊染御袍黃亭  
宇丹青老笙歌歲月長上皇臨幸少書圖自翱翔

謁和靖祠

先生遺隱跡年古路荒涼鶴喚詩魂去梅留姓字香孤  
山應似舊薦菊謾流芳翻作西湖夢騷人爲斷腸

題心遠別墅

聞說藏修所憑山更接溪百花攙序發萬竹翦雲齊地

勝塵無染塵居俗正迷二王詩絕唱何用我留題

舟離和州別史君

眷客留連久分攜各惆情艣搖江水碧城凸曉煙明衣  
薄寒先覺心平浪不驚鍾山青在睫歸興逐雲生

謙齋席間贈苔磯

因合謙齋飲新編得細哦髯掀天地闊足歷水雲多才  
敏逢青眼家成隱翠蘿近聞詩債盛老退欲停戈

訪劉山人隱居

步入山回處茅欄隱士家遠峯犇渴驥曲徑裊脩蛇純  
翠千莖竹交紅一架花客來費清供汲水自煎茶

春晚郊行有懷

芝田小詩

五

行春車馬漸無多閒步郊原玩物華已角未腴陰徑筍  
似香非韻別籬花子規饒舌空催客蛺蝶貪遊不戀家  
常記湖邊同詠賞歸鞍扶醉月籠紗

冬至

冷笑書雲上魯臺乖祥俱向眼中猜陰逢剝處自陽復  
否到極時須泰來霜翦草茸寒欲斷日烘梅粉暖全開  
吾儂喚作尋常事坐見兒童拜節回

學吟

騷豪矢口便成詩全異推敲鍊句遲一字下平搖不動  
數聯生就穩難移池塘春草英靈處水月梅花穎悟時  
我亦學吟功未進每將此理扣心師

題六和塔秀江亭

秀江亭上駐吟懷，苔蘚軒窗四面開。  
潮怒挾風吹海立，鷗聲搖月下天來。  
浮漚世事等出沒，泛梗羈人幾去回。  
待寫篇詩紀游跡，路迢不柰馬頻催。

雪窗自西陵以新詩竝水仙見惠

洛浦風流幾隔年，江南重見色依然。  
根從堊壁卉同分，品香與梅花可竝。  
肩葩白中黃饒蘊，藉臘梅春暖肆芳妍。  
殷勤併挾新詩送，頌略丰姿夜不眠。

饒友人赴靖州通道尉

竹風荷氣約朱明，路入渠陽暑尚清。  
馬耳蕭蕭懸墮月，雞聲喔喔勉脩程。  
何拘梅政誇年少，卽泛蓮漪贊老成。

芝田小詩

六

莫把西湖浪吟筆，楚山空闊更關情。

題友人自方家峪遷居北山棲霞嶺

素喜華居逼禁闈，北山何事又移文。  
來依岳麓千章翠，閒卻南屏一片雲。  
招月詠梅君自樂，煮泉瀹茗客同分。  
未隨燕雀伸忱賀，先翦溪藤述寸芹。

遊洞霄棲真洞

筍輿搖兀到山前，就宿棲真古洞天。  
老木倚風清鶴唳，溼雲拖雨護龍眠。  
塵凡夏出幾千仞，足跡經由已半仙。  
到此豈容閒詠筆，重來知復是何年。

題可山梅花巖

高人深欲買山居，常辦栽梅養鶴圖。  
喜有名園隣月水，

不妨清夢憶江湖義之坦腹應相愛和靖掀髯足自娛  
且夕杖藜須踐約錦囊先束付奚奴  
自題童宰盤隱詩  
才了花陰入要塗暫時歸去友樵漁遠山數筆意不盡  
流水一泓清有餘我輩愛吟懷退步誰人得計有閒居  
古梅樹下三間屋深掩柴門靜讀書  
紆青拖紫信天緣才說歸耕自樂然二頃良田供活計  
不是此心甘隱退爲貪農隙理殘編暇在揮麈頭

援藤

芝日八詩

七

援藤穿蘚扣雲扉清足高標顯翠楣風月任隨時事改  
江山不被世情移雖無白酒留君醉卻有青編可自怡  
朱紫紛紛徒說貴隱居真樂幾曾知  
癡兒總向月中求不信人閒賸有秋萬點盡垂金粟顛  
一枝宜上玉搔頭清香已壓龍涎倒墮萼宜將蟻醕浮  
吟得詩成對花舉不須招客費賡酬  
簡任新恩  
自別樗姿二十年情親何假雁傳箋深疑楚澤蟠芻次  
不放吳霜點鬢邊我憶花間聽樂府君嗟柳下度吟鞭  
于今又遂銜杯樂湖海相逢豈偶然

寄武岡宰宋雪巖

柳下分攜鬚影蒼好風吹夢過都梁諸蠻帖化花陰靜  
一騎飛塵薦墨香書就幾曾逢驛使公餘應不冷奚囊  
雲情鶴態元如舊應倚株梅憶錦鄉趨于楚李詩千金  
翰墨謝朱高郵惠湛盧詩集謝墨翁紫雲心素雜說  
門掩飛花欲曙時起來忽接湛盧詩清新盡奪冰霜氣  
婉麗渾無脂膩辭題品江山今已了登庸廊廟不宜遲  
高沙父老休專惠宣室今興夜半思靈臆商賈豐刊  
目長寒月郊居

芝田小詩

八

相逢每惜芝蘭種猶在蕭蕭水竹傍

再遊玉泉觀金魚

曾見金鱗已十年重來鬢鬢尙淒然忍從鰕蟬常爲侶  
好作蛟龍飛上天古木聳雲尊梵宇靈源疏滴潤農阡  
商霖已得眞賢佐早曠何勞顓玉泉

謝友人惠筆

翰墨場中浪得名近來研席愧塵侵紫懷心素鋒銳健  
紅束腰身管套深珍重故交分數種勝于桀老獲千金  
便當拂繭晴窗下賸寫新詩倩鶴吟

湖上次韻

湖邊舊好卽潘楊惜不同舟艤岸傍竹葉宵陪三揖醉

荷花分受一襟涼  
雪壺色淨冰心爽  
金縷歌停玉骨香  
客散樓臺收晚照  
獨看西子學吳妝

列岫宗奇觀  
藤蘿結翠門  
隔巖龍喚雨  
雲走半牕昏  
我懷玉山人  
過越江

玉石紛紛歎混淆  
君今懷璞在吟袍  
快帆閒指西陵去  
識眼相逢價自高

王義鞦韆題靈芝

吾今兩鬢已成絲  
每每逢春獨自悲  
最恨鞦韆無力上  
風流不比少年時

絲索高懸錦柱頭  
女郎花下競風流  
垂楊影裏曾窺見

芝日小詩

九

飛起嬌紅一點愁

風流賦竹宮羽人芸谷

昔年摘葉更尋枝  
踏遍山巔與水涯  
今日華陽親薦得  
玉簫僊草映靈芝

觀王氏山亭舊基

山亭礙月不容留  
折去危基立故邱  
落日倚筇舒望眼  
片帆鉤破一江秋

書向耐軒

薌林一譜傳清白  
以耐名軒更出奇  
脩竹護窗梅夾路  
歲寒消息獨君知

翠微亭

萬木輪囷臥巖寒一聲啼鳥應空山興來小立危欄畔  
身在碧雲霄漢間

智果寺參寥泉

坡仙嘗滄茗  
論詩於此

破屋伶俜斷碣橫剝苔彷彿見題名自從人去西湖後

一掬寒泉便不清

鷗鷺世界

徐氏  
堂扁

閒飛蘆葦疑成序獨立菰蒲似不羣愁思無邊煙水闊

畫家詩境合平分

謝瑜首座寄黃龍茶

寄我黃龍茗一圭旋烹竹雪試新奇地爐火暝湯初沸

先約梅花小賦詩

芝田小詩

窗底

日炙虛窗暖欲春窗前椒蕾破梅英朦朧困眼看書倦

驀聽蜂兒撲紙聲

巖柱

天街清曉似香林壓擔秋花塞市心總被時人低價得

葦簾茅屋盡黃金

題問坐主梅隱

萬點春風吐白雲孤芳繞屋占雲根幽閒中得幽閒處

暗水流香緊閉門

竹所

數餘當欄眼便青翠陰千畝況爲鄰休貪冷地閒風月

好作清朝勁節人

書雲萍錄

聚若浮萍散若雲江湖姓氏總相聞何煩爵里重鋪敘  
只倩梅花舉似君

傑閣崢嶸據柳灣段侯江令夢魂閒我來不問興亡事  
做立薰風看蔣山

試翁壽鄉貢餘墨

萬杵煉麋搖夜月一圭分劑割晴雲雪腴半展陶泓淨  
改罷新詩寫贈君

贈製墨羽人葛太玉

回公膠法不輕傳太玉知機合伴仙安得翠雲蜚象管

芝田小詩

上

盡邀風月上蠻牋

寄簡崇禧司徒高士

佑聖羽人  
往傳法

袖惹天香隱故廬一山後鶴伴清虛有人來扣神仙誤  
就翦晴雲問起居

花飛

花飛梁苑春消後月落秦樓夜斷時一點不如歸去恨  
阿誰說與杜鵑知

簡趙真休

曾向詩壇奪錦袍至今湖海誦風騷何如放下渾無事  
句不驚人意更高

繳回友人轉示詩卷

拾得曬珠不祕藏來尋識眼共平章臨風一盼留書架  
夜夜毫光射竹房

吳魯贈梁彌仙  
羅浮山人

笑側華陽一幅中碧眸蒼鬢貌如春羅浮洞裏通句曲  
疑怪相逢似故人

宋魯雪窗惠海棠

驅奴分送海棠花裊柳枝頭翦碎霞插向銅壺當愛惜  
且留春色在吾家

百韻題適安隱居

蘿蔓初巖竹霽閭天然幻出隱人居客來欲問山中趣  
挂壁絲桐插架書

芝田小詩

試童巖野墨

杵麋烘麝樣新翻蟾玉輕磨漆未乾合走春風供化筆  
肯隨清譽到詩壇

且留書和靖故居

童鶴飢癯故屋低孤山猶憶數聯詩先生更有清高處  
未必梅花盡得知

試小池

恰恰方池款竹齋風搖窗扇掩還開無端半夜疎荷雨  
更帶秋聲入夢來

題村居

村居何處見時節春去春來自一年誰與兒童話寒食



漁溪詩稿二

卷乙稿一卷

補遺一卷

蘇一

卷一

光緒丙申孟夏  
之月楊振鏞書

蘇二

漁溪詩稿卷一

錢塘俞桂 晞邨

雨吟

輕輕煙霧失樓臺  
雨暗吳山鎖不開  
試與漁翁閒訪問  
落花幾許泛溪來

過湖

舟移別岸水紋開  
日暖風香正落梅  
山色濛濛橫畫軸  
白鷗飛處帶詩來

和葉廣文韻

入得春來物物饒  
翻思湖上短長橋  
去年寒食閒遊處  
曾把扁舟繫柳條

漁溪詩稿卷一

書齋

野草沿庭砌清閒  
日掩扉晚涼疎  
雨過落葉覺蟬稀  
天籟自鳴竹砧聲  
誰擣衣僧寮不過此  
何必叩元機

閩名勝詩集

買得山房數冊詩  
倚篷細讀已移時  
只貪眼底看冰玉  
月上荷花更不知

書懷

僻性止耽書村中謾  
寓居心惟求事省  
身合與名疎  
木葉秋風起蚤吟  
夜雨初吾生今晚矣  
不必問何如

閨怨

鳳幃曉起鬢蓬鬆  
枕肉初生酒暈紅  
一把柳絲挪在手

沈吟無語對春風

沈吟一作尋思

誰憐人去鎖朱樓終日憑欄只帶愁燕子也知人薄倖  
飛來略不傷簾鉤

溪流

雲腳纔行又復開一聲隱隱只空雷家僮忽報溪流漲  
知是前村落雨來

初秋

火老金柔暑告殘乘涼正好望西山秋聲來處無尋覓  
只作窗前竹葉閒

雜興

漫山花發草萋萋楊柳飛綿水拍堤況是客懷禁不得

漁溪詩稿卷一

二

那堪杜宇耳邊啼

偶吟

降伏吾心法無如去外魔苦吟詩愈拙著意字猶譌在  
苒青衫舊消磨白髮多不才爲世棄徒自詠卷阿

雨中遣愁

花已開時人正愁花簪頭上使人羞一春可厭無晴日  
下卻珠簾懶凭樓

清明

朝來閣雨喜新晴枝上絲蠻調好聲佳節莫將虛過了  
人生贏得幾清明

卽事

陰雲釀雨勒花遲，梅已飄殘到杏枝。  
好是池塘清夢處，句吟春草入新詩。

松江

荷葉翻風暑氣微，看山露冷溼征衣。  
垂虹夜靜三高月，只照漁溪一舸歸。

惜春

春事三分過二分，桃花水上覓紅雲。  
遊人浪說春歸去，柳外黃鸝尙自吟。

次吳秋潭韻

相逢款語傍簷西，坎止流行事不齊。  
君到白蘋秋正好，飽吟風月棹前溪。

源溪詩稿卷一

三

東山

東山隨分作生涯，卽是清高隱者家。  
粗有小園供日涉，不愁無地種梅花。

夏中卽事

重梅過了，猶慳雨。幸有南薰在翠槐。  
燕子亦於貧老薄，今年全不見飛來。

延祥觀

御園猶自有逋梅，約束遊人莫肯開。  
聽得老兵談舊事，幾年不見翠華來。

虎丘

兩寺今爲一，因秦虎占丘。  
鶴飛王劍化，鳥宿古墳愁。石

與泉流接池通海水浮十奇多勝槩不及盡追遊

家園  
眺望西山在目中更須寬展竹籬通殘梅尙守清廉節  
不嫁東君昨夜風

首夏

槐幄陰陰蔽綠扉池抽荷葉落薔薇梁閒紫燕新雛弱  
來倚簷前旋學飛

短髮蕭蕭滿鏡秋家居但覺歲時流兩年不見西湖面  
笑我寒盟是白鷗

月夜

漁溪詩稿卷一

四

江南又見雁初飛楓葉蕭疎旋覺稀邊塞戍夫天氣冷  
誰家月夜搗征衣

裴墳

買船穿僻徑墳古最幽深山近風常冷松蟠晝亦陰來  
時無速騎歸路有鳴禽寄語城居者何人肯訪尋

山中

剖竹相通澗下泉更邀山色在樽前一鉤明月軒窗上  
欹枕藤牀獨自眠

惠山

徑入松關古秋雲帶樹煙只疑山有雨恰是澗流泉騷  
客詩留壁遊人岸繫船憑誰招陸羽瀟茗古欄邊

秋懷

喚醒歸舟是早秋水光雲影兩悠悠西風不管梧桐怨  
一葉吹來一葉愁

農事

東作農家處處忙金珠非是療飢方京華只識笙歌樂  
豈識男耕與女桑

甘露寺

占斷淮南勢西風入鬢毛一江流不盡多景最爲高斜  
日迷煙樹孤帆送客舫興懷人物少今古等秋毫

夏晨偶作

蠶事行將了農家刈麥初雨溼林少筍水盪港無魚因

漁溪詩稿卷一

五

病嘗懲酒偷閒懶苔書今年身愈老事事覺全疎

贈雲間陸琴士

地僻居閒絕可人殷勤過我抱桐君聲中知有遼天鶴  
彈散華亭一片雲

煙霞石壁

山深入翠微寺僻掩幽扉景別金仙地人忘塵世機石  
滋崖雨滴龍出洞雲飛結屋同僧處何須賦式微

久雨

踰月留京國春光總不知可傷連夜雨好似暮秋時有  
客來無酒逢人只說詩宮中聞閉羅應是細民飢

次坦庵兄韻

便中蒙賜墨得句勝如書暫爾兩年別俄然春暮餘夢  
馳情不閒心邈迹何疎自省吾今老湖山縛屋居

豫章滕閣

滕閣昔曾遊今無檻外樓遠山連樹合盡日對江流古  
石空存記騷人易感愁夜深歌酒處燈火燦漁舟

寄書

歲月逡巡笑故吾人生南北隔江湖樓頭約取衡陽雁  
寄得一行書信無

漁溪詩稿卷一

銀日變激英藟吾人土爾水瀟江臨對電傳軍節

林空符旛澤人暴烈慈容臨海臨風綠火繼煎我

瀾閣昔曾遊今無檻外樓遠山連樹合盡日對江流古

寄書

漁溪詩稿卷一 同韻賦書曹爾爾平阻難登春暮餘夢

漁溪詩稿卷二

錢塘俞桂 晞郗

冷泉亭

步入侵雲嶺亭高路恰平池邊幽樹古水底細沙明無  
友詩難詠逢僧話轉清此中真勝地林寂鳥無聲

早夏書

輕搖羽扇著輕紗閒汲清泉自煮茶綠是夏來無甚雨  
小池猶未有荷花

楓橋寺

湖水相連月照天雁聲嘹唳攪人眼昔年曾到楓橋宿  
石岸傍邊繫小船

漁溪詩稿卷二

秋干

吾今兩鬢已成絲每每逢春獨自悲最恨秋干無力上  
風流不比少年時

早春

客裏恩恩二月春梅花開後柳爭新西湖不待清明到  
早有尋芳拾翠人

寄懷

一番舊事總成空莫使相思夢裏逢惆悵陽臺雲共雨  
陽臺今隔幾千重

夏中卽事

青青梅子已添肥犢角新抽晚筍遲茶罷日長消睡處

案頭一卷樂天詩

看先叔祖青松居士倉使詩

儒冠每笑拙身謀  
春日因何桂玉留  
南浦未思芳草恨  
西湖正爲落梅愁  
四靈去矣今如在  
諸老蕭然事已休  
衣鉢青松誰繼續  
家雞還復可搜求

爲軍中請衣

諸營今日請春衣  
積沓如山競捧歸  
曾念雪中兵墮指  
戍邊鐵甲正防圍

指海棠

海棠嫋嫋弄臙脂  
雨入枝頭睡正宜  
最是高人有遺恨  
杜陵因甚卻無詩

漁溪詩稿卷二

二

居官

幸喜居官事不多  
庭空吏散雀堪羅  
近來轉覺詩朋少  
誰肯高軒爲我過

心事

落落功名鬢早斑  
蹉跎心事十年閒  
看來只合歸湖上  
漁釣叢中盡日間

垂虹

松江一景是虹橋  
欲約騷人釣巨鼈  
吳越封疆知幾夢  
古今人物壯三高  
雪天斫鱸莎煙冷  
秋月漁歌劍氣豪  
收拾琉璃千萬頃  
盡爲醜醜吸波濤

臚入前四日

天氣晴和又作陰老來畏冷自難禁餘曩待伴留痕在  
殊動騷人訪戴心

警湖上閒步  
一番雨過一番春芒竹閒行踏軟塵城裏不知春色早  
湖邊楊柳已撩人

傍牆穿過鄰家竹愛護新篁數十竿剪伐莫令童僕輩  
老夫日日要來看

香飄菡萏短篷中水色山光一樣同行止又非人所料  
今年兩度上垂虹

漁溪詩稿卷二

三

突兀浮圖插翠微吳王事迹總成非寺僧未晚山門閉  
不放開雲一片飛

吟軸捲還開行歌興盡回買花澆換葉開徑掃蒼苔巾  
學涼紗樣衣從薄苧裁潘郎羞鬢白多是爲秋來

響頻催織螢飛燦有光雨梢窗外過散入稻花香

寄陳芸居

生長京華地衣冠東晉人書中塵不到筆下句通神江

海知名日池塘幾夢春精神長似舊芸稿愈清新

冷泉亭

欲訪飛來景湖頭賃小船白雲侵嶺下翠樹傍泉邊入  
寺人須到深林影自圓山居相去近夜坐學參禪

春晚湖上

花事已成休都人懶出遊水添烟浪闊山帶夕陽愁柳  
樹鳴黃鳥沙堤臥白鷗不辭歸路遠何必買扁舟

春詠

盡日看詩只掩扉出門細雨怕霑衣杏花已露臙脂色  
燕子如何卻未歸

苔錢

漁溪詩稿卷二

四

庭砌方圓出化鈞何須抵死論錢神貧家阿堵新添富  
買斷西湖風月春

買魚

蘆花荷葉晚秋天雁影橫斜遠水連頻喚買魚人不磨  
偷忙撐入怕官船

卽事

東君無處不繁華一雨纔晴意便佳客舍山梅開徧了  
從今懶買擔頭花

送春

作惡情懷是別離老夫懶作送春詩東君歸去無蹤跡  
試問垂楊便可知

春歸  
青青結子在梅梢  
方見春來夏已交  
認得主人雙燕子  
香泥銜去理新巢

晴天氣淑濃如酒  
引得狂蜂路亦迷  
獨立欄干凝望處  
賣花人在畫橋西

閒中試飲

花飛春減燕雖飛  
葉葉成陰障翠圍  
囊裏酒錢消鑠盡  
滿船贏得載詩歸

江頭

漁浦山邊白鷺飛  
西興渡口夕陽微  
等閒更上層樓望  
貪看江潮不寫歸

漁溪詩稿卷二

五

口占

園林綠暗又紅稀  
蜀鳥啼山荀蕨肥  
春夏一番交篆早  
綿衣脫了著單衣

吟詩

漁溪僻好只吟詩  
此意還須識者知  
自古島郊貧徹骨  
詩逢窮處始爲奇

社日

今朝社日寒猶力  
燕子還尋五柳家  
宰肉不沾吾分薄  
強斟蠶酒度年華

喜雨上別大參

爰立爲霖仰望深  
今朝一雨慰蒼生  
經綸久東君心在

變理還同天道亨愛國慮勤寬玉帶籌邊謀遠捍金城  
我公勲業難摹寫但見 皇家慶太平

寓京二首

一官淩落笑如初只合空山去讀書不稼不漁無活計  
謾將名氏玷公車

車馬滔滔厭軟紅湖邊秋意屬西風木犀初放荷花老  
買箇船兒學釣翁  
新詩春日即事

春入侯家春事深日長庭院又沈沈客中不耐如絲雨  
攪起思家寸寸心

春光滿日是吳頭水碧琉璃拍岸流憶著去年桃葉渡

漁溪詩稿卷二

六

相思無限使人愁

丙午七夕後一日晚抵松江塔下

到得垂虹迫暮煙前村雨暗莫行船幸然得與僧人熟  
借得終宵客位眠

客中情況少人知正值鐘聲約束時清坐更無人共話  
挑燈來看菊潭詩

漁溪詩稿卷二

漁溪詩稿卷二

漁溪詩稿卷二

漁溪詩稿卷二

漁溪詩稿卷二

漁溪乙稿

今同此長無幾世間人錢塘名俞桂風晞郗  
天竺江上雲影帶愁一壘十六日國滿如銀白玉鎮

居間

富貴人所願貧賤不堪憂自有蘭蕙清非比蕭艾羞功  
名如露草飄瓦若虛舟千載儻相遇臯夔及伊周苟使  
窮未達一壘營一邱出處謹吾節斯心已細籌

古意

無言情脈脈美人久相隔道阻脩且長春草幾番碧鳳  
釵冷鬢雲鸞鏡輕雲暮昔爲比翼鳥今作孤飛翻愁絕

漁溪乙稿

寄郎衣腰瘦裁宜窄

春日卽事

義馭舒徐日正遲園林已覺杏花稀半晴半雨春無準  
燕怯輕寒不耐飛

卽事

薄薄輕輕寒露雨微微颯颯早秋風小舟辦了松江去  
占取三高作釣翁

賞月

天淨無一雲地淨無一塵十六月圓滿皎皎白玉輪古  
今同此月照破世間人夜久方浴出露坐風滿襟清影  
入窗戶聊足慰我心所欠一樽酒所欠一張琴如此好

月色惜乎在海濱癡兒官事了空自疲精神不得賞新月  
酬酢相與頻今宵詩興動狂吟漁溪民獨對猶復爾  
況逢親共賓

採蓮曲

畫艇將歸笑語頻鴛鴦對對起還沈妾心先自懷郎苦  
怕嚼蓮心苦轉深

日對靈隱

回首得兩年曾入靈隱去一路看不足衣霑松上露白  
雲來相迎澗泉飛瀑素此景天下無遠勝廬山路

雷前種竹

門前槐已長庭內草自生所欠園中竹多種渠幾莖此

漁溪乙稿

二

君真可愛非猶王猷情有時吟詠暇入園得閒行所幸  
筍萌出次第陰可成頓使神宇爽漸覺眼界清最是秋  
雨夜風來

春暮寄友人

日煖梨花雪風吹楊柳絲春踰三月半夢憶十年前詩  
借鶯聲和書無雁字傳東君還似舊吾鬢歎皤然

節事

吹落楊花春事了小池新綠雨添痕育蠶時節寒猶在  
村落人家半掩門

初夏

薔薇花已謝芍藥擬下坡午陰有嘉樹景序猶清和日

得詩篇詠門無俗客過筍胎今歲少荷葉小池多春去  
餘旬月夏雲已嵯峨吾年嗟老矣身事笑蹉跎但欲臥  
白石幽巖捫青蘿已與心料理不必問如何冬泚曾  
再餘次下竺僧韻暮雲濕冷山色寒綠綠粗日黃與  
朝市軟紅塵山林氣味深放懷隨野鶴過再任春禽石  
澗鳴泉玉松釵墜月陰隱居無箇事存養讀書心漸

江上

小雨纔收日漸斜酒旗插處兩三家江頭妝點秋來景  
半是蘆花半蓼花王翬金風江天神鱗了散中對酒遇

秋日

芙蓉未折桂香浮落日西風雁過樓一雨空塔深夜滴

漁溪乙痛

三

十分秋是十分愁落日西風雁過樓一雨空塔深夜滴

偶成

吹來一葉報秋知玉露金風正及時戴了涼巾披野服  
桂花香裏看唐詩西風雁過樓一雨空塔深夜滴

秋行吟

西風緊兮葉脫枝寒露灑兮菊遶籬蘆花白兮蓼滿湄  
雁聲急兮蛩轉悲樂吾浙兮殊興思況東淮兮落遠陲  
朝氣肅兮夜漏遲暮雲黯兮山色衰紛紛眯日黃埃吹  
艱關千里徒驅馳窮猿投林任所之膏梁諸公那得知  
從今休被微官縛未若琴歌詩酒樂豈無手足懷我情  
當念行人多寂寞西風雁過樓一雨空塔深夜滴

習氣天際夏晴未除儘教人笑治生疏功夫若到窮吟地  
雖是居貧富不如德器

卽事

暑赫練襟汗欲流倩誰喚得一天秋無人共訂吟邊句  
獨有蟬聲叫樹頭桑眼綠

平湖

平湖一景堪圖畫舟子煙波去復歸舊日元真無覓處  
西山長見鷺鷥飛

半塘

因訪雲巖過半塘清明時候野花香小舟趁雨衝風去  
不及尋僧到上方漁溪乙稿

送人至松江

西風蕭瑟入船窗送客離愁酒滿缸要記此時分袂處  
暮煙細雨過松江

雨後

雨後新晴日轉西桑閒猶有拙鳩啼十分愁意無人管  
紅蓼黃蘆水滿溪

紀愁

可笑無詩紀四愁強將歡伯解吾憂夜長明月紗窗冷  
分得寒蛩一半秋

和樂天初夏韻

兩腳來山岫溪痕漲岸沙插旗多酒戶挂網盡漁家地  
出澗兒筍園收菜子花春歸鶯嚶癩風急燕飛斜盃瀉  
青荷葉甌煎白玉茶孤村流水晚數點有歸鴉

星夜述已

曾賦已時日其義葉盡也

落落功名鬢久斑重遊京國又何顏早知寸祿榮家晚  
悔不當初便入山

釣臺

雲壺館

不愛三公漢祿榮一絲風月許多清只將節義高千古  
豈釣人間利其名

七夕有懷

擘釵情緒思悠悠月下穿鍼嬾傍樓非獨雙星苦離別

漁溪乙稿

五

人閒天上一般愁

秋夜

月華如水淨無塵千里相思總一心絡緯籬邊吟不徹  
做成秋意十分深

虞宋雪巖韻

詩與梅花一樣清江湖久矣熟知名未容便理趨朝計  
行見相留入幙榮照座精神澄玉宇當官才刃壓金城  
星郎況是曾知已刮目英游藻鑑明

南躑躅上人之平江

水鏡

青浦相逢恰二年今宵再會亦前緣詩囊和月橫挑去  
穩泛楓橋夜半船

夏日遣懷

老大今無用吟詩了白頭百年如電影萬事付沙鷗性  
淡偏宜靜居貧動是愁人情難似舊門外水長流

寓歸

水激長江浪風傳遠寺鐘宦情秋意薄歸興客愁濃捲  
箔迎新雁喧籬厭舊蛩何時旋故里載酒插芙蓉

性拙

性拙難為巧年來險屢經身閒詩謾賦心靜夢能靈富  
貴如朝露英雄幾曉星尋思世閒事日影過中庭

秋日卽事

宿有騷人興休教世俗知郊墟聊晚眺風月入秋宜愁

漁溪乙稿

六

極惟憑酒囊空卻剩詩更長人不睡燈火可親時

論詩

大道本無體何在文字閒易從先天畫詩自聖人刪流  
風傳益遠後作莫可攀推敲誰氏子一字不可閒

性拙

詩以辭賦節義兼書卷同朝賦並里雖臨賦芙蓉

水驚吳越更風動鼓棹論宜畫意精體與容

是亦真識

與詩真猶其會蓮最添人翻讓四書門代水長流

詩本今無用吟詩了白頭百年如電影萬事付沙鷗性

漁溪乙稿

漁溪詩稿補遺

朝露溼妾衣暮霞耀妾矚一葉小如瓜去住無拘束兀  
棹歌採菱襲薰薰風足蘆葉映港清捉對鴛鴦浴蓮日  
有苦心欲折手還曲折蓮恐傷藕藕斷絲難續

平湖淼淼蓮風清花開映日紅妝明一雙鸚鵡忽飛去  
爲驚花底蘭橈鳴蘭橈蕩漾誰家女雲妥髻鬟黛眉嫵  
采采荷花滿袖香荷深忘卻歸時路

西湖西畔荷花多扣舷女兒嬌唱歌道旁駿馬金巨羅

漁溪詩稿補遺

一

欲住不住橫秋波放船卻入花深處臨流照妝噤不語  
南山起雲北山雨折得荷花不歸去弄波驚起鴛鴦雙  
水珠濺溼芙蓉裳恨無飛羽致汝旁遡洄從之雲路長

西風引袂涼雲起鴛槳扶船浮綠水露沁花脂齒粉香

滿柄鋒芒刺蔥指紅綃半妥金釧明堤上六郎鬪唱聲  
湘中暮雨歡期失各自東西空自成船蕩波心煙漠漠  
歸路花從唱邊落綠豔紅妖江水深海底靈均應不覺

女伴歌採蓮清聲度流水無意驚鴛鴦鴛鴦自飛起

荷葉籠頭學道情  
花妝那似妾妝清  
雙雙頭白猶交頸  
翻笑鴛鴦不老成

又

拗落圓房響釧金  
背人細數子藏深  
不嫌到手多尖刺  
祇怕傷人有苦心

提幹漁溪

不涉驚濤心自穩  
柳陰陰處著孤舟  
的知世路多機穽  
一綫閒名付直鉤

右詩六首見江湖後集

次下天竺

山僧留客意殷勤  
把酒山亭對夕曛  
披徑亂藤留石樹

漁溪詩稿補遺

二

摩崖蒼蘚盪秋雲  
月中桂子隨風落  
洞口猿聲靜夜聞  
老去野心偏向逸  
竹窗禪榻漫平分

右詩一首見杭州府志

一

不

不

不

不

又

不

不

榻潭詩集

光緒廿二年丙申初夏

向出宜四基畧

泉唐丁氏重梓

新刻

橘潭詩稿

錢塘 何應龍 子翔

春寒

博山熏盡鷓鴣斑  
羅帶同心不忍看  
莫近闌干聽花雨  
樓高無處著春寒

客懷

客懷處處不宜秋  
秋到梧桐動客愁  
想得故人無字到  
雁聲遠過夕陽樓

寫情

灑淚題春墨  
暈乾東風無便寄  
郎難青箱再展  
牋雲看蠹卻相思  
字不完

橘潭詩稿

寄胡雪江

借得官亭小  
似船六橋風月友  
三賢芙蓉未發  
荷花老一點詩情若箇邊

旅中示同輩

與君同出已多時  
費盡囊金典盡衣  
只待春江煙浪暖  
小舟先趁白鷗歸

清曉

清曉輕泉一信風  
花添紅粉草添茸  
畫樓十二闌干曲  
春在珠簾第幾重

筍

泥中莫怪出頭遲  
歷盡冰霜祇自知  
昨夜震雷轟渭畝

請君來看化龍枝

過垂虹

垂虹橋下水連天一帶青山落照邊三十六陂煙浦冷  
鷺鷥飛上釣魚船

吳蠶

正是吳蠶出火時交交牕外一禽啼溪雨有葉高難采  
遙見青裙上竹梯

效香奩體

雲幕重重雨未收嫩寒先到玉簾鉤一杯晚酒無人共  
羞帶雙花下小樓

木犀

楸潭詩稿

二

露粟藏金一半開層層碧玉映樓臺西風昨夜吹香過  
人在闌干待月來

夏日卽事

野土生煙草樹焦形形日腳火雲燒池邊自拗青荷葉  
分付山童蓋藥苗

題駱秀才葺故廬疏

家在西湖合澗橋短籬圍得數椽茅歸來頗費支撐力  
羞見春風燕子巢

有別

樓上佳人唱渭城樓前楊柳識離情一聲未是難聽處  
最是難聽第四聲

春詞

玉纖輕揭繡簾開行到花前淚滿腮正爾春心無處託  
一雙蝴蝶忽飛來

有所思

曾倚空屏唱柳枝一聲嬌逐暮雲低重來只見流鶯在  
立盡斜陽不肖啼

小園

池占方方十丈寬已栽花木四時看客來莫笑生涯薄  
窗外新添竹數竿

爲客

初秋爲客暮秋歸一擔輕囊半是詩試問客情何處惡

橋潭詩稿

三

五更孤店酒醒時

東風

和徹詩篇得暫閒落梅香裏立闌干新裁白紵春衫薄  
猶怯東風一陣寒

有所見

不著畫羅金縷衣尋常打扮最相宜春風燕子樓前過  
飄落梨花雪一枝

曉牕

桃花落盡李花殘女伴相期看牡丹二十四番花信後  
曉牕猶帶幾分寒

居家

居家到底勝居官啼鳥聲中晝掩關待得小園花落盡  
更須移酒對青山

采蓮曲

采蓮時節懶勻妝日到波心撥棹忙莫向荷花深處去  
荷花深處有鴛鴦

盆中四時木屋

一樹婆娑月裏栽是誰移種下天來金英卻似清霄月  
一度圓時一度開

相思

二月春風楊柳青聞郎繫馬到長亭相思情味如中酒  
折盡梨花嗅不醒

榆潭詩稿

四

江上有感

江上秋深客未歸荻花楓葉兩依依傷心最是長橋路  
落日西風一雁飛

見梅

雲遶前岡水遶村忽驚空谷有佳人天寒日莫吹香去  
盡是冰霜不是春

舟中偶成

黃帽招呼急下船天明僅可過涵山朦朧一枕梅花夢  
猶在寒牕紙帳間

題臨安儼樓

過了燒燈望燕歸春寒剗地勤芳期杏花深巷無人賣

細雨空簾盡日垂

粉蝶

宿粉棲香樂最深暫依芳草避春禽  
晚來風起還無定舞入梨花何處尋

活計

三閒茆屋蓋頭顱除卻吟篇事事無  
擬把十年窮活計一時傾倒向江湖

無愁

世閒惟我最無愁纔是無愁得自由  
午睡覺來門半掩一池春水看魚遊

春陰

橋潭詩稿

五

密雨流酥入翠苔春陰日日鎖樓臺  
女郎未有尋芳約辜負櫻桃一半開

老翁

八十昂藏一老翁得錢長是醉春風  
杏花村酒家家好莫向橋邊問牧童

清明

踏歌毬鼓近清明小雨霏霏欲弄晴  
喚起十年心上事春風樓下賣花聲

杜鵑

君若思歸可便歸故鄉祇在錦江西  
不知何事留君住卻向空山日夜啼

贈友人

我向詩中爲活計君於酒裏作生涯世閒樂事惟詩酒  
各自風流占一家

簾

半窳香波護曲闌纈花紅映玉鉤閒曉來幾陣輕風過  
時見溪南罨畫山

碧桃

玉仙同駕玉鸞飛天上曾攀帶露枝一片不知何處落  
曉來流到湧金池

芍藥

金蕊絲頭茜染成五雲樓映玉盤傾謝郎一入中書後

橋酒詩稿

六

二十四橋空月明

傷春

荷葉初浮水上錢柳花飄盡岸頭鶻不知春色歸何處  
欲向空山問杜鵑

效無題體

玉釵風斷扇雲深砌冷簾空月易沈流水落花無處問  
一年春事一年心

雜

白風流古一卷

橋潭詩稿

芸居乙藁一  
卷補遺一卷

光緒乙未冬  
姜德銓署檢

芸居乙藁一  
卷補遺一卷

芸居乙稿

安晚先生貺以丹劑四種古調謝之

陳子一畝宮居來七十年當其春盛時庭花發幽妍轉  
矚長養天青子垂簷前秋收備百禮冬享意則虔年來  
風雨凌坦倒壁四穿上漏下卑溼敗隙遙瞻天二生結  
施仁覩此殊興憐捨以四條柱俾之撐危顛工師得大  
木裁製精且專尙欠櫨與楣况復棟與椽再干大檀越  
結此歡喜緣

履齋先生下頒參附往體以謝

有客號奚毒西來自赤水外負炎炎氣內存溫粹美當

芸居乙稿

一

年楊天惠夸大不絕齒解后段氏子卽之殊可喜卻邪  
迺素心調中古無比世仰大醫王民瘼咨朝市二子願  
託身赴湯任驅使與憐維摩老遣前護衰毀病魔亟退  
舍怡然得安壘緬想蓄牛溲陋哉子韓子旣非瞑眩劑  
厥疾無瘳理一念衛生恩百拜額加指

汎湖紀所遇

六橋鶯花春色濃十年情緒藥裏中筆牀茶竈塵土積  
爲君拂拭臨東風可笑衰翁不自付少年場中分險韻

畫舸輕移柳線迎，移此清遊逢道韞。銖衣飄飄凌綠波，  
翡翠壓頰描新荷。雍容胥就文字飲，烏絲細染還輕哦。  
一杯絕類陽關酒，流水高山意何厚。曲未終兮袂已揚，  
一目歸鴉噪棲柳。

不賀友人絲桐復歸  
春到牡丹花事闌，惜春約客遊湖山。煙光萬態屬吟思，  
白石青泉流指閒。雙成解后蘭舟駐，索紙大書春草句。  
成此風流一段奇，樂事百年能幾遇。薄暮歸來雨溼衣，  
買舟庇此十三徽。小稍愚拗阻人意，客散河梁燈火微。  
方將清事夸兒婦，桐君羽化無何有一壺千金何處尋。  
愁絕瓠巴無錯手，要知煩惱所根株。以愛布種上聲當芟

芸居乙稿

二一

除趙璧旣返，懽如初哦詩稱賀，敢後歎。  
適安惠糟鱓新酒  
偉哉無腸公，橫行占江湖。幾欲肆其雄，生山攫於菟。無  
端四五輩，懷椒尋酒壚。枕藉糟丘下，醉魂呼不甦。尙想  
橫戈勇，胥次與世殊。開懷風味佳，犬丹液膏腴。此寶君  
所儲，何爲貽老夫。麴生挾之前，爛然陳座隅。當其左，持  
螯不知竭。此壺醕酎無何鄉，軒冕不關渠。東望歌老饕，  
前溪梅影疎。

一 題適安清湖寓居  
薰風軒檻曉晴開，鬱鬱桐陰手自栽。三冰合流當戶過，  
一山分影入樓來。琴逢良夜時揮弄，詩欲名家巧剪裁。

可羨一廬安所適紛紛車馬汨黃埃

燈花戲簡西隣

西隣逸韻借秋清瑤琴曾許月下聽神馳吟境日復日  
金甍轉矣寒此盟昨夕相逢再有約六花飛時湖上行  
短檠不密泄此意輝煌粟粟攢金英闥堂一笑前未覩  
信手閒闌燈花經一主飲席設林麓一主盍簪獲良朋  
便欲賤天檄滕六銀盃逐馬快此情曉來喜見萬瓦白  
迺是天宇清霜明得非分土去聲薄誤燈花還復燈花戲老  
兄

武兄惠藥

昔人饋藥不敢嘗未達寒溫良毒旨朝來剝啄客問病

去屑乙稿

三

寶劑盈匱意何侈便當三咽答殷勤兒欲先嘗還且止  
平生結交結以心豈有鴿人羊叔子多君相濟義薄雲  
友道綫絕今振起緣陰庭院趁清和抖擻精神迎藥喜

秋懷

又見街頭賣紫茱老懷擾擾類催租客來喜得吳江紙  
欲寫新吟一字無

懷三山友人

春前深惜別病後政無詩青又生菱角紅應熟荔伎魚  
甘賓席暖風逆客帆遲徒結連宵夢郵音負所期

寄彭勿庵

一片巴江月移輝到庾梅孤山春事早疎影望東回

以仁者壽爲韻壽侍讀節使鄭少師丙午莫盡  
一氣妙磅礴萬彙屈者伸方寸函太極宇宙皆吾仁端  
平改化絃真儒手洪鈞厥今扶公道皆昔夾袋人丙午  
成樂巖甲午無窮春  
岩巖閭闔雲蹠躩繡鞍馬細氈侍珠旒治道談帝者歸  
來西湖濱岸幘松蓋下秋淥晚涵山挹以薦殘竿北第  
何三辭泉石懷綠野王賦執皇詩萬樂中闕運晉節  
賦詩投金瀨俸入猶半有輝煌奉國節三粟迺不受贏  
副初何心國計要豐阜一九濟世德陽報期千壽會須  
煩潞公再與佐元祐

枕上

芸居乙稿

四

病與仇謀酒作成藥爐又復伴深更鄰鐘自是常時聽  
纔到霜天分外清

郭聖與黃希聲問候  
山有靈芽可點金名醫未遇若爲尋藥房掩畫情多感  
竹榻逢秋老不禁座上遍將唐帖揭架中閒取晉詩吟  
病懷得此相料理更接蘭交問訊音

過三橋懷山臺

賣花聲裏憑闌處沽酒樓前對雨時景物如初人自老  
夕陽波上燕差池

題玉泉畫像次來軸韻

鹿隨寒策穿雲解后靈峰時節含毫誰貌閑情莫盡胸

中風月

奉酬竹溪陳使君新詩墨梅之韻

千里雙魚賁草堂中藏瓌異夜騰光興因東閣增懷想  
影落前榮不寄香四韻休誇毛穎伎幾回曾誤壽陽妝  
感公意過兼金餽慚乏瓊瑤展報襄

壽大丞相安晚先生

己酉

嵯峨補陀山下視海水流風波定以梢穩穩濟川舟皇  
穹祐炎祚黍稷慶有秋繫誰致此祥主相今伊周赫赫  
命世賢師道輔前旒暨湯同格天康濟仰廟謀向來三  
邊塵化作和氣游橫戈枕月戍擊壤歌西疇小春明日  
是泰階射斗牛見說老人星交曜光九州宣勸下紫宸

芸居乙稿

五

雕盤羅珍羞北禁詔墨香昌熾頌魯侯鰓生戴厚恩一  
詩何能誦擬辦八千首從今歲歲投西塾小春日

紙帳送梅屋小詩戲之

十幅溪藤皺殺紋梅花夢裏悶氤氳裴航莫作瑤臺想  
約取希夷共白雲

迎月

尊酒貪迎月人生醉後嘉夜來聽不掩吹落一瓶花

止酒示圭

一病杯中物致危翰林何事酷耽之酒經若果通仙道  
不向青山立斷碑

適安有湖山之招病不果赴

蘭契簡以詩金鏗而玉戛招邀訪逋仙劇飲擬投轄事  
有違人意十常居七八文園病政濃況復泥瀟滑老懷  
欲舒散天心若是恕

適安和

人生欲四并其難乎戛戛春工闌花柳春霽阨車轄何  
當載酒過對舞花十八樹色尤綠秀鶯聲尙圓滑作詩  
調維摩病安情已恕

槐隱和

新篁褪錦衣風玉漸相戛香紅吹成塵春去誰管轄歌  
酒相留連一笑攜二八敗意林閒禽饒舌泥滑滑可人  
非不來正坐天意恕

芸居乙稿

六

挽梅屋

桐陰吟社憶當年別後攀梅結數椽湖海有聲推逸韻  
弓旌不至歎遺賢兒收殘稿能傳業自誌平生不愧天  
航便雙魚無復得夾山西望淚潺湲

挽林夫人

劉後村母

懿德遐齡世所尊濃薰班馬到諸孫疏榮花誥加宏邑  
賜第蘭堦侈異恩了了三乘言外趣如如一性定中存  
魚軒應向西方去知在蓮花第幾根

病中偶成

平生謹樽酒投老更齊聖優游接嘉賓能使百憂屏可  
憐陶士行飲少亦致病豐下改舊容浮采滿青鏡升降

氣失常醫經云上盛亟試黃昏湯要期勿藥慶朝來覺  
清爽臨窗發幽詠

薄命

薄命畏庚金那逢闢茂臨一尊花下飲半載藥邊吟食  
味同元酒形骸類槁林但存元氣在會見綠成陰

消遣

夜雨生寒換夾衣形臞貌悴歎衰遲病中何物能消遣  
一榻揩摩十載詩

題西窗食芹稿

曾味西窗稿經年齒頰清細評何物似碧澗一盃羹

一念

芸居乙稿

一念無塵雜三更有夢回同他石橋老過水探寒梅

買花

今早神清覺步輕杖藜聊復到前庭市聲亦有關情處  
買得秋花插小瓶

一榻

一榻世緣輕毋將事物縈昔人言豈誤慧自靜中生

同清兄看猿

藜杖同僧扣廬門野叟閒放他猿摘果莫把白雲關

薄暮

寂寥誰作侶耿耿一寒缸薄暮西風急呼童掩卻窗

秋夜懷康節

無眠輾轉聽更殘心緒如絲起萬端煎藥爐邊童夢曉  
讀書檠下婦初寒狡狴斷火香猶婉促織催秋袂怯單  
願子大賢康節語此情於我一般般

冷泉凭欄

此山泉石勝還思日日登那知三生前不是住山僧

冷泉解后友人留飲

倦叟尋芳藉短筇故人解后一尊同明霞浸水疑鋪錦  
彩閣橫溪儼臥虹猿去復歸啼曉嶂僧來相伴立春風  
雪濤湍激開寒閘滌盡塵襟萬慮空

黃路鈴詩來告別

玉泉馳一紙入韻有情詩不宥面相別恐成離索悲江

去居乙稿

入

聲噴岸圻潮勢激帆危舊制邊州守方令典轄司

適安招遊湯鎮不果赴

湯鎮古祠宮招邀及倦翁輕裘乘曉月駿馬逐東風野  
色觀無分春光病見攻行將迎誕日一瓣擬遙通

寄東齋

又復逢初度疋羸異昔時預愁臨丙戌所願值天醫剪  
絲裝茶果栽賤薦壽卮今年都告免湯餅卻相宜

寒吹

寒吹西軒入采恩設座隅腰圍同沈約指爪類麻姑靜  
臥氈三疊清齋飯一盃曉來香滿室巖桂侈餅鑪

適安夜訪讀靜佳詩卷

情同義合亦前緣得此蘭交慰晚年旋爇古香延夜月  
試他新茗瀹秋泉君停逸駕談何爽客寄吟編句極圓  
可惜病翁初止酒不能共醉桂花前

所適

釣鼈東海頭經春醉一舟西溪拗魯人小鮮終日求

庚戌秋作

甲辰池邇至今年藥竈殊勞日夕煎血氣任他銷與鏤  
向來詩骨已成仙

耘業許印章四韻叩之

近因稚子傳來意知許衰翁兩印章字畫莫教凡手刻  
形模當取古人長六書今獨行秦嶧三體空聞設漢庠

芸居乙稿

九

後世陽冰能復古未知何日寄文房

婚嫁

婚嫁債羈縻何時是了期每嗟身外累無出女和兒聽  
漏寒無夢添香夜有詩沈沈澄萬境梅影月初移

六言簡耘業

露溼螢光愈熾月斜蛩韻尤清微物得時若此人生可  
不求名

東起

東起仙翁肘後經且參思邈枕中吟夜來獨臥寒無寐  
憶殺黃紬舊破衾

聞隣寺粥

寒缸旋擲動冥搜  
泓玉摩研萬象愁  
鐵版響廊催早粥  
銅壺添水易新籌  
一聲雞唱驚殘夢  
再聽鴉羣過小樓  
可惜秋光惟畀隔  
料應河漢五更收

汪夫人筵上口號

金朝王母譙西池  
蔥蒨祥煙靄繡帷  
坐摘蟠桃華壽席  
行看丹桂發孫枝  
魚軒錦轂花千疊  
鸞誥金鈴絡四垂  
好是殷勤千歲祝  
老萊先酌後門楣

儵然

向來蓮社本遺榮  
句引淵明造道場  
梵葉翻殘空佛印  
念珠持久現圓光  
秋花依約生涼意  
暑雨微茫送夕陽  
客退飯餘無箇事  
儵然一枕到羲皇

去月乙稿

風雨作

無成老見過望望  
太平歌驚雨愁扁  
戶聞風慮偃禾杯  
中醇止久瓶底粟  
無多畎畝憂時切  
天平少警何

葵窗送酒

久藏斗酒謀諸婦  
婢子倉皇錯授醢  
邂逅芸居初止酒  
小廚海錯旋開泥

望曉

要知筋力衰多少  
一覺纔回常了了  
隣鐘無奈五更何  
望斷窗紗不能曉

湖上卽事

波光山色兩盈盈  
短策青鞵信意行  
葑草煙開遙認鷺

柳條春早未藏鶯誰家豔飲歌初歇有客孤舟笛再橫  
風景無窮吟莫盡且將醅酌樂浮生

朝宗餽食且復招飲

相親逾骨肉何以結情深下箸覺可口同盤還上心撥  
灰君句就曝背我寒侵屢有梅窗約行將共晚斟

送印寒鄧簿得闕西歸

才藻世於家句朱新職華學能如蕤木春到可生花野

店寒吟月輕裝曉度沙君行余止酒一念一興嗟

印寒  
谷題仁亭詩  
木印歲寒云

圭示急須制作亭當喜成一絕

博古圖中無此樣緊誰匠意巧題胎槐堂新送黃封酒

芸居乙稿

十一

便可衝寒暖一杯

梅花怨爲汪耘業賦

庚戌

崢嶸歲事春將至寂寞梅花雪失期獨有垂楊伴幽怨

豈堪臨水折長枝

舊題隱者壁一絕

妻暝山犬踐園蔬兒釣溪魚餒鶴雛總道村居無外事

有人庭下索詩逋

酬成賢良

庚戌

獻璞無成喜弄璋世閒得失事相參劉蕢不得言時事

半爲當時記樸庵

同友人汎舟過斷橋登壽星江湖偉觀歸舟聽客

謳清真詞意甚適分得江字奉寄季大著鄉執  
兼呈眞靜先生

辛亥仲春將徂分有客踵門曰風日流麗邀余共泛西

湖之舲皮江切舲南去而忽西兮昨之折檻今復飾以成

杠背蘇堤萬絲之綠陰兮望一簇孤山之青檣傳江切層

峰疊嶂巉絕露天巧珠英琪樹發越地之靈一聲何處

兮鐘撞篙師告余曰此壽星古刹上有奇觀開宇宙於

八窗捨舟策杖步步巍峩謝屐殊勞雙回廊曲轉忽軒

豁檐飛棟復青綠交輝心開目駭而揖西子之湖子胥

之江觀者雜還儵去儵來余獨凭欄境與心會便欲馭

風跨蜿虹胡江切煙雲萬態客擬狀而運思羿今老退且

芸居乙稿

十二

遜銳逢莊嚴世界合爪讚歎要使天下名山夸詠者睹  
此奇偉而心降風寒下山吹欲倒連呼春酒亟開缸簫  
鼓畫船徒自紛耳目何如美成清絕按新腔詩成冑對  
俗子噉馳介城南寄老龐

舊挽汪隱君汪守泰亭父

棲志浮雲小萬鍾帶經高壟席春風義方莫問當年事  
十五男兒識阿戎

遺碣鑽辭掩夜臺脩文空歎遲餘才鹿坡明月成惆悵  
不見高人自往來

靜江商宰書來且索鄙語要道其冰雪相看之意

古調代書

連牆不通問千里迺寄音平生於締交淡泊味最深吳  
山青插天應同碧玉簪尙憐風馬牛睽若商與參一聲  
南來雁西風又相尋君其念衰朽余亦懷瑤林一廉了  
官事吟外時鳴琴識量萬頃陂文華寶南金向來唐相  
璟疑事間崔琳諸臺貴得賢而肯捨此琛會晤喜有期  
寬此離索襟

安晚先生送自贊太上感應篇帙首

御題諸惡莫作眾善奉行八字輔以

公袞殊相念奇書寄布衣此心纔動處萬善要同歸本  
旨詳敷衍奎題重發揮應憐蘧伯玉投老始知非

芸居乙稿

三

稽首元真像當年助我軍龜蛇裨聖武龍鳳煥奎文劍  
聳燒空燄旗翻渡海雲上公傳琬琰分惠感慙慙  
雜言送歛研廣香與友人有懷楊校書幼度

我有龍尾雙槽之研肌潤而若沐空濛舊藏古香氤氳  
來自廣之東多君博雅舉以爲贈三嗅而抹月批風要  
若鎔金加萬佛經上更須滴露點四聖書中往昔濃薰  
懷太史而今一瓣爲南豐藜光下照人何在閣下閑花  
被舊叢

真靜饋新茶菰乾黃獨乳酪約葵窗適安共享適  
安不赴葵窗詩來道謝次韻答之兼呈真靜適

安

千載靖節翁，秣向公田種萬鍾。於我何曾戀五斗俸，長  
歌歸去來田園，聊自奉高蹈。世莫儔器局小，管仲嗟余  
昧於時，退思心每痛。世人不知我，知小畦親抱甕。唯有竹  
宮仙時復，致一供四清山中珍。凡目爲之動，黃獨前未  
識。勿謂仲宣春茗摘，新芽秋菰懷舊葑。江南貴乳酪，  
此意兼金重。得君同下箸，詩來再三諷韻意。兩相高文  
史，歎足用續貂。愧狗尾敢與賢者共語，奚較工拙年來  
此心縱軟飽黑甜，餘無復春草夢。可人招不來，屬篇亟  
持送。

哭丹池王隱君

憶昔相逢初一見，卽刮目出處雖不齊。椒蘭則同稷論

去居乙稿

古

心到極處情愛逾，骨肉十年傳成癖。搢搢閉門讀高志，  
尊所傳而冑曲從俗抱此奇特操。平步可金玉，況復同  
窗友。槐庭秉鈞軸，事有反所料。軒冕笑羈束，縉雲邈千  
里。訪道求辟穀，食棗懷安期。竊桃小方朔，平生精進心。  
自可登仙錄，一著偶失算。九書無復續，洞霄有猿號。丹  
池無鶴浴，昨病失會葬。生芻東望哭。

寄汪起潛簽判

飛雲起伏龍，大鵬運以風。風雲一朝會，前塞今迺通。啟  
翼賢景略，時哉使其逢。腰錢與騎鶴，事或有適同。青門  
瓜吹香，綠水蓮泛紅。人物王謝家，風雅眼底空。參畫聳  
臺府，宜護碧紗籠。鄱江萬折東，獨鶚摩蒼穹。浮圖快一

擲歸騎先賓鴻

史記送後村劉祕監致欲見之悰

昏瞶嗟耳目管絃堂上調世事每相背秋月虛良宵消  
古擬登龍疾雨驚風飄禰刺不得前東睇心旌遙近履  
傳康強變體筆更饒風響雖時接未若親聞韶憶昔西  
湖濱別語請教條囑以馬遷史文貴細字彫名言猶在  
耳堤柳凡幾彫茲焉得蜀刻持贈踐久要會晤知何時  
霽色審來朝

芸居乙稿

五

春分嘗來陣  
其景麻洪幾派盡張壽強  
臨意世龍請為絲讓因思  
思與史貴麻字派  
昔觀登輔兔雨驚風飄禰  
刺不得前東睇心旌遙近  
履傳康強變體筆更饒風  
響雖時接未若親聞韶憶  
昔西湖濱別語請教條囑  
以馬遷史文貴細字彫名  
言猶在耳堤柳凡幾彫茲  
焉得蜀刻持贈踐久要會  
晤知何時霽色審來朝

芸居乙稿補遺

題建溪劉希和吟趣園

佳氣滿吳洲琅琅謫仙句當其傲雲月風流良可慕寂  
寥數百載何人躡逸步建溪有劉侯於吟契其趣是知  
建與吳妙處同一悟水石巧縈紆煙雲互吞吐花光時  
變眩山色無且暮物物可供吟先爲梅花賦

寄趙紫芝運幹

陋室與高門東西互接眈相聚雖不稠相別殊難忍風  
帆去何之到時秋未盡少試稗畫材計臺作標準恨無  
雙羽翔汨汨成蠹隱便結南浦夢獨立江風緊

芸隱提管詩來依韻奉答

芸居乙稿補遺

一

君詩如梅花將盡春意函一枝漏泄處踏雪寒曾諳百  
踐桃李場溪山還自甘破玉暗香度似親夷甫談  
我心如折桐經霜爲一空尙可親時髦託根日華宮莫  
謂背於時會在春風中小雨灑清明又是一番紅

芸隱再和復用以酬

大藏五千卷齋沐啟寶函強名禪教律心了一一諳向  
來曾乞食此味醞酬甘拈花飲先笑意會不待談  
芸隱抱奇偉未可論苦空吾皇樂詢道日御賦政宮會  
看召嚴徐敷奏陛殿中鳴鞞踏龍尾豈久蓮依紅

送別曾幼廣赴漕試歸

匹馬東來吳策勳在一戰文場老燕代餘子自北面西

風敲鐙歸山應過處戀英氣凜橫梁河海能幾見自識  
韓將軍論交今倦倦

洪扇贈別芮通父

春冰幕千絲我箠美無度習習南浦秋受藏憶襲護之  
子思吳鱗觸熱遙問津舉箠寄薄劣卻暑兼障塵荆榛  
道崎嶇輕車宜徐徐戴星秣驪駒未午投林廬酌月重  
來期名言毋重違自嗟君是客忽賦別離思

送賀某赴興化任

賀公夢三刀恩榮被詔函家山繫比鄰風俗應夙誦承  
流復宣化使民思棠甘向來愷悌心今足副時談

壺山邈千里旌旗拂搖空是邦足文物教宜先泮宮嗟

去居乙稿補遺

一一

余病十載置身藥裏中追送不能遠望望畫錦紅

呈朱叢瑞

囊中五色絲擬將舜裳補玉階遠於天莫睹千戚舞治  
朝足文物一室自規矩少賤人或欺黔婁况貧窶毋作  
飯牛歌春滋夜來雨

寄題當湖隱淥亭

曲逕一亭幽三十六水聚簷影接波光蟬聲入秋思開  
灑靜看雲愛月懶種樹濠上意如何疎鐘煙外寺

對菊有懷東園

青女淩波楚江冷庭前一葉鳴金井砧杵誰家試夾衣  
西風攪碎蘆花影呼童折取籬下金旋汲山泉注古甌

細哦七字延秋色寒香似欠東園清江上子牟懷魏闕  
離情一動腸千結急呼斗酒破霜螯楚月不礙西湖月  
答孰庵

昨宵約月臨西池冰蟾不至鷄火飛歸來一室白於晝  
乃是新詩光陸離當年應剖瓊蜂腹不然何以明於燭  
細窺字字欲走盤三復庵名悟圓熟一片情田萬古耕  
有年能得幾書經小疵終是未全稔孰若先生耨穫精  
南窗寄傲遂初欲移石畦蘭更初菊茶煙細雜玉爐沈  
研影淨涵金井淥林下今纔見一人卻疑圖任思舊臣  
自昔東山豈終隱似聞鸞詔下蒼旻

送郭聖與就監試歸兼簡其弟

芸居乙稿補遺

三

楚尾吳頭月光冷山鳥不鳴桂浮影破霜探得蟾邊香  
蘭菊無言秋耿耿萬年枝外淺紅牆胥山小閣憩晚涼  
湖波江浪座中接寒篝凝夢歌雲觴明朝忙踏槐花市  
萬文光芒生璧水瓜金繭紙市相高兀兀鉤提笑韓子  
小雁汀沙振寒羽亦復褰衣告歸去近別難堪況遠離  
一日仙舟隔輕霧

信步

信步過高岡隨僧到上方泉侵松逕潤風出稻畦薌地  
險人誰問山深屋亦藏惜無碑可考創立自南唐

三遊錢園併題四時畫圖

只因閒未得又慕得閒名一幅無盡態四時有餘情吟

清招鶴伴機熟付鷗盟坐久不知晚前汀煙水橫

遊禹廟

何期來此地重謁告成祠非飲泉堪酌桐棺事莫知蟾  
分丹桂影龍矯老松枝拂石尋遺字苔荒大業碑

雪中送黃希聲西歸

可是歸心急行裝冒雪天向來期重任未可羨先鞭人  
事虧盈月煙波遠近船明時困英特此別又三年

蘭亭歸途

山水佳如此都忘客路難鷗明寒渚淨雁入野田寬事  
久人多厭心清夢卻安獨憐鸞翼遠誰念篋衣單

還劉雪坡詞稿

芸居乙稿補遺

四

誰與分天巧裁成雲錦裳春花籠淡月秋水照斜陽得  
句皆奇偉知音盡老蒼尙期京國路相與較宮商

嘉平旦雪

天欲做奇事清寒發化機一雲無不覆萬物盡同輝水  
合漁煙暝山空獵火微夜窗歌七月三歎及無衣  
天一孕眞精裁成六出霏大聲聞竹折空色助梅清節  
壯甌甘嚙兵奇鷺自驚男兒須事業謾說剡舟明

答趙章泉

新詩將遠意千里附文鱗清響蟬噓露高閒鶴臥雲但  
知耕野水不暇問朝紳賸欲陪顏笑淒涼吳楚分

借居植雪

已歎長安索米難可禁風雪滿長安無家又是於人借  
有命從來只自寬春入園林根覺煖色連天地眼生寒  
西湖寂寞梅無伴合向孤山忍凍看

夜聽誦太極西銘

六經宇宙包無際消得斯文一貫穿萬水混茫潮約海  
三辰煥爛斗分天鳶魚察理河洛後金玉追章秦漢前  
遙夜竝聽仍闇味奎明誰取第三篇

挽宣教郎新差通判慶元府王琮

前月相過了無恙小窗畫卷手親開不知翁作仙遊去  
忽見兒封壙記來寂寂共居香不斷悽悽松塢韻堪哀  
客中爲灑秋風淚尙想吟魂遶夜臺

謁陽明洞天

芸居乙稿補遺

五

羈游何事復來東豈是三生太史公舞鶴臺空丹蛻井  
見龍壇古瑞名宮石帆酒甕遺秦蹟玉簡金書闕禹功  
萬壑松風秋愈壯直將幽意問穹隆

雪後

青山當戶牖雪後非吾有爲問謝家池綠波還在否

雪中三絕

一天和氣到柴門檻內蘭芽也玉溫靜炷衙香誰與伴  
慈悲大士共黃昏  
探梅又復負前盟曾念霜風病不禁清曉擔頭和雪買  
數枝親插供觀音

可憐切切度眾生千百年來魄尙靈自幼歸依今老矣  
濯雲曉汲薦清冷

曉寒卽事

芳意迢迢客夢閒亂紅飛盡曉泥乾薄羅尙怯餘寒在  
一陣東風翦牡丹

趙濟民生日

雪中見招老病畏寒  
荆婦獨往小詩奉寄

今歲呈祥殊勝昔去花端爲壽筵開小詩聊寓千秋意  
不得相陪法喜來

第三橋

梅花雪岸去舟單茅屋水田白鷺寒好景幾回吟不得  
重來無語立闌干

芒居乙稿補遺

六

留題天樂寓張氏湖亭

沈水香銷一局碁客來淺酌旋芬題畫欄占得春多少  
簾捲東風日未西

次黃伯厚惠紙衾韻

冷浸溪藤松下月密織遠寄袁安雪忍蹴茸茸一徑瓊  
依約江行曉時節

明遠閣

風捲疎煙遠岫分天開一境皎無雲衰荷搖落汀洲晚  
猶舞餘香墜茜裙

雪中簡趙德行

滕六庭前三致意應翻奚錦報瓊瑤剡溪莫訝山陰棹

寒色欺人是灞橋

脩父知縣萬里寄詩久未能答午枕夢見之覺而

有作

夢覺疎蟬韻更淒闌干曲曲柳陰移吳蠶蜀繭綠千匹  
一種愁機兩處絲

夜誦

父子跣趺絕似僧青燈一瑣夜三更讀殘戴記兒將倦  
山栗旋煨仍擘橙

月下聞桂花

一庭人靜月當空桂不多花細細風香露滴衣涼似水  
恍然移下廣寒宮

芸居乙稿補遺

胡季懷有詩約羣從爲秋泉之集輒以山果助筵

戲作二絕

近詩通譜江西社新釀攬先天下秋已許眼中窺一豹  
可容杯裏散千憂

君家香醪蜜不如試投桃李望瑤琚敢誇所無易所有  
潘郎一出果盈車

一 詠琴士曹先生

清如雅操直如弦此意于今久不傳月冷風高清禁地  
只將古調奏鈞天

與適安夜飲憶葵窗

人在江干月上巵不妨想像一篇詩月來卽是葵窗至

對景成三憶曩時

與葦航適安飲

獻酬無算是杯行  
午酌從容至四更  
陶母侈於真率約  
退思無倦若爲情

觥籌交錯舞雩僇  
延得嫦娥泛醪波  
客謂平生無此樂

二章聊繼飲中歌

早起

今早神清覺步輕  
杖藜聊復到前庭  
市聲亦有關情處  
買得秋花插小瓶

井亭橋

桐花夾岸柳遮山  
水面誰家燕子還  
摩利閣邊唐相井

濯衣人散暮潺湲

分得春禽效香奩體

數聲應寄春消息  
纔轉花梢濃綠隔  
早知襟韻幾逢迎  
莫遣臨風情脈脈

喚渡

一帆又是過西陵  
天正寒時雨欲冰  
心地自平潮自險  
回瞻絳闕認觚稜

夜過西湖

鷓鴣猶挂三更月  
漁板驚回一片鷗  
吟得詩成無筆寫  
蘸他春水畫船頭

去居乙稿補遺

芸居乙稿增錄

贈賣書陳秀才

趙師秀

四圍皆古今永日坐中心門對官河水檐依柳樹陰每  
留名士飲屢索老夫吟最感書燒盡時容借檢尋

贈陳起

劉克莊

陳侯生長紛華地卻以芸香自沐薰鍊句豈非林處士  
嚮書莫是穆參軍雨檐兀坐忘春去雪案清談至夜分  
何日我閒君閉肆扁舟同泛北山雲

贈陳芸居

葉茵

氣貌老成聞見熟江湖指作定南鍼得書愛與世人讀  
選句長教野客吟富貴天街紛耳目清閒地位當山林  
芸居乙稿增錄 一

料君閱遍興亡事坐對蕭然一片心

夏日從陳宗之借書偶成

張與弋

自從春去後省少出柴扉樹暗鴉巢隱檐空燕跡稀憶  
山憐有夢當暑詠無衣案上堆書滿多應借得歸

贈陳宗之

鄭斯立

昔人耽隱約屠沽身亦安矧伊叢古書枕籍於其間讀  
書博詩趣嚮書奉親歡君能有此樂冷淡世所難我本  
抱孤尙爲貧試彈冠欲知南薰琴秋風夜戒寒守分無  
外想賸有日晷閒閱書於市屢得君羈思寬誦其所爲  
詩刻苦雕肺肝陶韋淡不俗郊島深以艱君勇欲兼之  
日日苦辛酸京華聲利窟車馬如浪翻淡妝誰爲容古

曲誰爲彈桐陰覆月色靜夜獨往還人皆掉臂過我自  
刮眼看百年適志耳豈必身是官不見林和靖清名載  
孤山

贈書肆陳解元

危稹

異齋幸是少人知飯飽官闈睡轉宜剛被旁人去饒舌  
刺桐花下客求詩

兀坐書林自切磋閱人應似閱書多未知買得君書去  
不負君書人幾何

贈陳宗之

許棐

六月長安熱似焚鄜中清趣總輸君買書人散桐陰晚  
卧看風行水上文

芸居乙稿增錄

二

宗之惠梅窠水玉牋

許棐

百幅吳冰千藥雪對吟終日不成詩憶君同在孤山下  
商略春風弄筆時

陳宗之疊寄書籍小詩爲謝

許棐

海上歸來二十春閉門爲學轉辛勤自憐兩鬢空成白  
猶喜雙眸未肯昏君有新刊須寄我我逢佳處必思君  
城南昨夜聞秋雨又拜新涼刻骨恩

古詩奉寄陳宗之兼簡敖臞翁

陳鑒之

雌雄烏一色烈焰玉石分子桑十日雨英槩君摩雲塵  
尾失羈思襟裾蘭茝芬是豈如蟹驢書圃同鋤芸  
君隱萬人海嘯咏足勝流我墮寂寞濱嵌巖一節秋蟠

鬱向誰吐天圍蘆荻洲劈箭客颿去何日回吾舟  
甘旨娛母顏雍雍春滿室咿啞索梨棗諸兒爭繞膝波  
明再茁桐露滌清吟筆人生如此足富貴刀頭蜜  
亭亭會山閣四面秋澄鮮槃礴一代英披衣俯飛鳶邇  
來幾星聚清樽壓雲煙九轉得奇訣分惠毋獨仙

贈陳宗之

葉紹翁

官河深水綠悠悠門外梧桐數葉秋中有武林陳學士  
吟詩消遣一生愁  
十載京塵染布衣西湖煙雨與心違隨車尙有書千卷  
擬向君家賣卻歸

寄陳芸居

俞桂

芸居乙稿附錄

三

生長京華地衣冠東晉人書中塵不到筆下句通神江  
海知名日池塘幾夢春精神長似舊芸臺雨清新

挽芸居

朱繼芳

不得來書久那知是古人近吟丞相喜往事諫官嗔身  
死留名在堂空著影新平生聞笛感爲此一沾巾

贈陳宗之

陳耒

往來曾見趙天樂數說君家書滿牀成卷好詩人借看  
盈壺名酒母先嘗對河卻見桐陰合隔壁應聞芸葉香  
老不愛文空手出從今煩爲蓄仙方

贈陳宗之

周文璞

伊吾聲裏過年年收拾旁行亦可憐頻嗅芸番心欲醉

爲尋脈望眼應穿哦詩苦似悲秋客收價清於賣卜錢  
吳下異書渾未就每逢佳處輒留連

寄陳道人

周誠孚

瘦筇盤礴越江邊笑我孤燈照夜禪當日期穿水牯鼻  
暮年猶著野狐涎忙中弦望驚三易聖處堦庭讓一先  
曾約芒屨踐雲雨快來相見已新年

秋懷寄陳宗之

秋聲四壁動寒事日駸駸紅剝林間子青除架底陰積

閒殊有味安拙本無心獨愧陳徵士餘書不問金

奉謝芸居清供之招

周端臣

生平愧彼蒼得飽非耘種自揆蔑寸長居然叨薄俸竭

芸居乙稿附錄

四

來桂玉地幸了藜藿奉日昨訪芸居見我如伯仲劇談  
闕幽荒妙論洗沈痛呼童張樽壘芳醪啟春甕乃約屏  
羶葷初筵俱清供珠櫻映翠莢光色交浮動佳境喜漸  
入愷之未癡恣屬厭薦春萌雋永咀秋葑黃獨忽登俎  
味借蜂蜜重翻憐少陵翁山雪入吟諷早韭晚菘輩吾  
家所售用列品不自珍而與朋友共瓊盤放手空適口  
頗恣縱日暮雨催返虛窗結清夢寄語五侯鯖從茲勿  
勞送

挽芸居

周端臣

天地英靈在江湖名姓香良田書滿屋樂事酒盈觴字  
畫堪追晉詩刊欲徧唐音容今已矣老我倍淒涼

詩思間逾健儀容老更清遽聞身染患不見子成名易  
簪終昏娶求官達死生典刑無復覩空有淚如傾

呈芸居

徐從善

生來稽古心文士獨知音世事隨年懶詩愁入鬢深夢  
拋三尺組書敵幾籛金何以謀清隱湖山風月林

東陳宗之

趙汝績

畧約東風客袖寒賣花聲裏立闌干有錢不肯沽春酒  
旋買唐詩對雨看

挽芸居

黃文雷

海內交遊三十年臨分我到卧牀前西風一葉西風落  
淚盡秋風松下阡

芸居乙稿增錄

五

長安道上細哦詩如此相知更有誰芸葉一窗千古在  
好將事業付佳兒

復歸絲桐

琴名玉壺冰

芸居以詩見賀紀述備盡報以

長篇兼簡葵窗

武衍

爨桐制作妙莫傳冥搜恰恰三十年大雷小雷不可見  
一生夢想空流涎玉壺冰本王氏物指下琅然頗清越  
不知傳來凡幾姓隱隱蛇跼細如髮銅駝陌上春風和  
湖邊得侶相委蛇古囊提攜帶詩酒一時樂事何其多  
座有知音豈容已膝上泠泠寫流水夕陽吹雨入煙城  
回憶清歡如夢裏孟光有問我獲疑匣中朱絲胡不歸  
鄰翁篝燈出相慰官河權夫猶可追琅躔十里夜幾午

認得登舟元處所始知尤物果累人終喜明珠還合浦  
拂拭徽弦正孤坐欲記微吟未成課忽聞門外剝啄聲  
報道芸居以詩賀

謝芸居惠歛石廣香

武衍

家無長物祇書卷又無良田惟破硯寥寥此道人其嗤  
君獨相憐復相善鄴侯架上三萬籤半是生平未曾見  
一癡容借印疑似留客談元坐忘倦探懷忽出片石方  
雙池絲刷潤且光芙蓉溪深古坑遠論新品舊殊未遑  
慷慨珍投意何永更配番禺心字餅歸來喜歡舉廢典  
春雨書樓閣深靜手鈔義經誤未刊塵侵商鬲灰久寒  
使燒團煤炙雲母旋滴清泉凝露溥點朱塗黃細商榷  
時有煙絲裊風幕心融終日游聖湖恍若置身天祿閣

芸居乙稿增錄

六

次芸居湖中韻

武衍

放櫂湖心去風恬雨盡時插天青嶂合戀水白雲飛  
酬酢杯頻舉擣蒲局屢移碧蓮香不斷歸路泥人衣

賦陳宗之芸居樓

吳文英

麗錦長安人海避影繁華結廬深寂燈窗雪戶光映夜  
寒東壁心雕鬢改鏤冰刻水縹簡離離風籤索索怕遣  
花蟲蠹粉自採秋芸山黑架香汎纖碧更上新梯窈  
窕莫山淡著城外色舊雨江湖遠問桐陰門巷燕曾相  
識吟壺天小不覺翠蓬雲隔桂斧月宮三萬手許元和  
通籍輒紅滿路誰聘幽素客

丹鳳吟



